



Ամեն բան ավելի լավը դարձնելու ակումբ

Ջոզին գիտեր, թե ինչպես կարող էր հետևել Հիսուս Քրիստոսի օրինակին:

Ջոզին Բրաուն
(Հիմնված է իրական պատմության վրա)

Այս պատմությունը տևի է ունեցել ԱՄՆ-ում:

Ջոզին իր զարմիկի՝ Էլիսի հետ նստել էր իրենց տան կողքի ծառի տակ:

«Կցանկանալի, որ ինչ-որ զվարճալի միջոցով կարողանայինք գումար վաստակել», - ասաց Ջոզին:

«Միգուցե մենք կարողանայինք գումար վաստակել մարդկանց համար որևէ բան անելով», - ասաց Էլիսը:

«Իսկ եթե մենք ակումբ բացենք»: Ջոզին ոգևորված վեր թռավ տեղից: «Օրինակ՝ ընտանի կենդանիների դայակության ակումբ կամ շների զբոսանքի տանելու ակումբ»:

«Մենք կարող ենք տարբեր բաներ անել», - ասաց Էլիսը: «Մարդիկ միշտ օգնության կարիք ունեն: Եվ նրանք կվճարեն մեզ»:

Էլիսը ճիշտ էր: Ամեն օր Ջոզին տեսնում էր մարդկանց, ովքեր ունեին օգնության կարիք:

Հանկարծ մեկ այլ միտք ծագեց Ջոզիի գլխում:

Նա ջերմ գագուսներ ունեցավ: Դա հիշեցրեց նրան անցյալ տարի իր մկրտության մասին: Նա խոստացել էր միշտ հիշել Հիսուսին և հետևել Նրա օրինակին: Նա գիտեր, թե ինչպես անել դա:

«Ի՞նչ կլինի, եթե մենք ակումբ ունենանք, որն

անվճար է օգնում մարդկանց», - հարցրեց Ջոզին: Ջերմ գագուսն ավելի ուժեղացավ:

Էլիսի աչքերն ավելի էին մեծանում: «Դա զվարճալի կլինի», - ասաց նա: «Մենք կարող ենք օգնել մարդկանց դպրոցում և եկեղեցում, գրեթե ամենուր»:

«Մենք կարող ենք անվանել այն Ամեն բան ավելի լավը դարձնելու ակումբ», - ասաց Ջոզին: «Արի սկսենք վաղը դպրոցից»:

Հաջորդ օրը դասամիջոցին Էլիսն ու Ջոզին վազեցին դեպի խաղահրապարակի եզրը:

«Տեսնո՞ւմ ես որևէ մեկին, ում կարող ենք օգնել»: Էլիսը կանգնեց ոտքի ծայրերին և նայեց դեպի խորդուբորդ ծիածանի սահարանին:

«Դեռ ոչ»: Ջոզին գննեց կապիկների ձողերը և ճոճանակները: Երեխաները սահում և ճոճվում էին: Նրանք ցատկում էին գնդակների վրա և խաղում էին ցատկապարաններով: Կարծես թե ոչ ոք օգնության կարիք չուներ: Բոլորն էլ կարծես ընկերներ ունեին: Ապա նա նկատեց մի փոքրիկ աղջկա, ով միայնակ կանգնած էր ցատկապարանը ձեռքին:

Ջոզին արագ բռնեց Էլիսի ձեռքը: «Նայիր այն կողմ»:



Ջոզին և Էլիսը ցատկապարաններ գտան և գնացին աղջկա մոտ:
«Ողջույն: Ես Ջոզին եմ»:
«Իսկ ես Էլիսն եմ: Ի՞նչ է քո անունը»:
Աղջկը զարմացած տեսք ուներ: «Ես Լեսլին եմ»:
«Ցանկանո՞ւմ ես խաղալ մեզ հետ»: Ջոզին բռնել էր ցատկապարանը:
Լեսլին ժպտաց: «Այո»:
Էլիսն ու Ջոզին Լեսլին պարանով ցատկելու որոշ նոր եղանակներ սովորեցրեցին: Երբ զանգը հնչեց, նրանք հրաժեշտ տվեցին միմյանց: Ջոզին ներքուստ լավ զգաց իրեն: Նա գիտեր, որ դա Սուրբ Հոգին էր:
Դրանից հետո, երբ Ջոզին և Էլիսը տեսնում էին Լեսլին միջանցքում, նրանք ողջունում էին նրան:

Ջոզին և Էլիսը փնտրում էին ավելի շատ մարդկանց՝ օգնելու համար: Երբեմն նրանք հաճելի բաներ էին ասում մարդկանց և փորձում ուրախացնել նրանց: Երբեմն նրանք հրավիրում էին երեխաներին խաղալ իրենց հետ:

Մի օր Ջոզին ժպտաց մի տղայի դպրոցի բակում: «Ի՞նչ դուր է գալիս դիտարկում քո շապիկը», - ասաց նա:

Տղան ժպտաց և նայեց վերնաշապիկին: «Շնորհակալություն»:

Երբ Ջոզին նստեց, նա հասկացավ, որ չէր էլ մտածել դա անել ակումբի համար: Նա պարզապես արեց դա:

Ջոզին մտածում էր այն բոլոր ընկերների մասին, որոնց ձեռք էր բերել այն պահից սկսած, երբ նա և Էլիսը բացեցին իրենց ակումբը: Ջոզիին իսկապես դուր եկավ մարդկանց օգնելը: Դա մղում էր նրան ավելի լավ բաներ անել ուրիշների համար: Ամեն բան ավելի լավը դարձնելու ակումբը նրան ավելի լավ էր դարձնում: Եվ դա հրաշալի զգացողություն էր: ●

